

秀神清邁九華時當春雪霽盈眼白朱砂

登蓬萊閣

一上蓬萊閣虛心瞪目遙雲移山自長水到海還消俯視蛟龍窟傍觀鳥鵲橋何憂遠輕舉咫尺近丹霄

望海

海色吞天色風聲雜水聲雲翻魚鼈駭雷動鬼神驚射激千巖險汪洋萬里平時無釣鼈手擲糖引長鯨

山堂雨霽

曉日三竿麗千山一望平高吟神愈暢遠眺目增明雨後簷前潤風來座上清心非同道者不使過門行

道藏輯要

礪溪集

巽

又胃集三

夜深對月

二首

耿耿中宵月無人獨自行下連滄海白高滿太虛清奮跡離三島游空照萬城城中多少客睡重不能驚

耿耿中宵月無人獨自明天邊維斗暗地上百邪驚野鶴依稀辨羣龍天矯鳴尋常三五夜未有一般清

初冬括馬值雨

十月滂沱雨三更洶湧聲浮雲連海嶠激水灌山城野暗風波急泥深道路傾行人兼走馬一夜到天明

初雪

行看十月盡偶見六花飛散漫迴風急續紛入夜微山川淡屏

帳星斗失珠璣曉色衝天淨銀霞爛日輝

遊春

一夜春風暖三竿曉日華有山皆著錦無地不開花金谷人多
感桃源路易差迴頭皆是夢說與道人家

春夜雨二首

山光猶冷淡景色未鋪陳細雨偏霑物輕風不著人融和三月
暖次第百花新靜夜軒中卧閑吟海上春
春色來何晚清明不見花開軒觀翠竹撥土認黃芽夜雨微微
作光風漸漸嘉麥差三月盡桃李滿天涯

雲峯

道藏輯要

礪溪集

事

又胃集三

九夏時炎赫千山氣鬱蒸翔空初漠漠變態復層層及業真堪
畫孤高不可昇何當仙去也跨鶴上憑凌

修殿乏材令工師樵木海北至濱阻風殆十餘日秋八月
有九日方西南風樵木乘之始達膠東

日落金風順潮平棧木開雲帆爭岸急曉日映天來海北雖多
難膠東幸少災不變成大廈已見得良材

自述

白髮年來長紅顏日漸凋未能明道術欲去問松喬罔象如何
覓還丹著甚燒欽依三洞訣得使萬緣消

五言絕句